

АЗБУКА ВЕРЫ



Чин мироварения

Чин мироварения

Во святѣй и Великіѣ понедѣльникъ Страстныя недѣли.

Заўтро на уготóванное для мвроваренія мѣсто приходитъ митрополитъ, архимандриты и игумены, священницы и діаконы, и облачáются въ малое облаченіе, и творитъся начáло сѣце:

Глаголетъ протодіаконъ: Благослові, владыко.

Митрополитъ же глаголетъ: Благословенъ Бóгъ нашъ всегда, нынѣ и прѣсно и во вѣки вѣковъ.

И глаголется отъ кліра: Амѣнь. Царю Небесный... Трисвятóе... Пресвятáя Трѣице... Отче нашъ...

Митрополитъ: Яко Твое ёсть Цáрство...

Чтѣць: Амѣнь. Гóсподи, помилуй, 12. [Слáва, и нынѣ.] Приидите, поклонѣмся., трѣжды. И псаломъ 142:

Гóсподи, услыши молитву мою, [внуши́ моленіе моё во истинѣ Твоей, услыши мя въ правдѣ Твоей и не вниди въ сѣдь съ рабóмъ Твоимъ, яко не оправдѣтся предъ Тобóю всякъ живы́й. Яко погна врагъ дѣшу мою, смирилъ ёсть въ зѣмлю живóтъ мой, посадилъ мя ёсть въ тѣмныхъ, яко мѣртвыя вѣка. И уны во мнѣ дѣхъ мой, во мнѣ смятѣся сѣрдце моё. Помянухъ дни дрѣвнѣя, поучѣхся во всѣхъ дѣлѣхъ Твоихъ, въ твореніихъ руку Твоею поучахся. Воздѣхъ къ Тебѣ рѣцѣ мой, душá моя, яко земля безводная Тебѣ. Скóро услыши мя, Гóсподи, исчезѣ дѣхъ мой, не отврати́ лица Твоего́ отъ менѣ, и уподоблюся низходящимъ въ ровъ. Слышану сотвори́ мнѣ заўтра милость Твою, яко на Тя уповахъ. Скажи́ мнѣ, Гóсподи, пѣть въ онъже пойду́, яко къ Тебѣ взяхъ дѣшу мою. Изми́ мя отъ врагъ моихъ, Гóсподи, къ Тебѣ прибѣгохъ. Научи́ мя творити волю Твою, яко Ты еси́ Бóгъ мой. Дѣхъ Тво́й благій наста́витъ мя на зѣмлю праву. Имене Твоего́ ради, Гóсподи, живи́ши мя, правдою Твоею изведѣши отъ печáли дѣшу мою. И милостію Твоею потреби́ши враги́ моя, и погуби́ши вся стужáющія души́ моёй, яко азъ рабъ Тво́й ёсмь.

Слáва Отцѣ и Сыну и Святóму Дѣху, и нынѣ и прѣсно и во вѣки вѣковъ, амѣнь.]

Аллилу́ія, [аллилу́ія, аллилу́ія, слáва Тебѣ, Бóже.] [Трѣжды.] Потóмъ

поють пѣвчіе: Бѣгъ Господь, и явился намъ...

Таже тропарь, гласъ 8:

Благословенъ еси, Христе Бѣже нашъ, Иже премудры ловцы явлей,
низпославъ имъ Духа Святаго, и тѣми уловлей вселенную,
Человѣколюбче, слава Тебѣ. [Дважды.]

Слава, и нынѣ, гласъ 1:

Въ рождествѣ дѣвство сохранила еси, во успеніи міра не оставила еси,
Богородице, преставилася еси къ животу, Мати сущи Живота, и
молитвами Твоими избавляеши отъ смѣрти души наша.

Потомъ псаломъ 50:

Помилуй мя, Бѣже, [по величїи милости Твоей, и по множеству
щедротъ Твоихъ очисти беззаконіе мое. Наипаче омый мя отъ
беззаконія моего, и отъ грѣха моего очисти мя. Яко беззаконіе мое
азъ знаю и грѣхъ мой предо мною есть вина. Тебѣ Единому
согрѣшихъ, и лукавое предъ Тобою сотворихъ, яко да оправдишися во
словесѣхъ Твоихъ и побѣдиши, внигда судити Ти. Се бо въ
беззаконїихъ зачатъ есмь, и во грѣсѣхъ роди мя мати моя. Се бо
истину возлюбилъ еси, безвѣстная и тайная премудрости Твоея явилъ
ми еси. Окропиши мя иссопомъ, и очищуся, омыеши мя, и паче снѣга
убѣлюся. Слуху моему даши радость и веселіе, возрадуются кости
смирѣнныя. Отврати лице Твое отъ грѣхъ моихъ, и вся беззаконія моя
очисти. Сердце чисто созижди во мнѣ, Бѣже, и духъ правъ обнови во
утробѣ моей. Не отвержи мене отъ лица Твоего, и Духа Твоего
Святаго не отыми отъ мене. Воздаждь ми радость спасенія Твоего, и
Духомъ Владычнимъ утверди мя. Научу беззаконныя путемъ Твоимъ,
и нечестивїи къ Тебѣ обратятся. Избави мя отъ кровей, Бѣже, Бѣже
спасенія моего, возрадуется языкъ мой правдѣ Твоей. Господи, устнѣ
мой отверзеши, и уста моя возвѣстятъ хвалу Твою. Яко аще бы
восхотѣлъ еси жертвы, далъ быхъ убѣ, всесожженія не благоволиши.
Жертва Бѣгу духъ сокрушенъ, сердце сокрушено и смиренно Бѣгъ не
уничжїтъ. Ублажи, Господи, благоволенїемъ Твоимъ Сїона, и да
созидутся стѣны Іерусалимскїя. Тогда благоволиши жертву правды,
возношенїе и всесожегаемая: тогда возложатъ на олтарь Твой
тельцы].

И бываеетъ малое освященїе воды, а по освященїи молитва:

Господи Иисусе Христе, Сыне Единородный Безначального Твоего Отца, Ты рекль еси пречистыми усты Твоими, яко безъ Мене не можете творити ничесоже. Господи мой, Господи, вѣрою объемъ въ души моей и сердце Тобою реченная, припадаю Твоей благодати: помози ми, грѣшному, сіе дѣло, мною начинаемо, о Тебѣ Самомъ совершити, во имя Отца и Сына и Святаго Духа, аминь.

И бываеъ отпустъ. По отпустѣ же покропляются святою водою подлежащія къ муроваренію матеріалы. И вливаетъ митрополитъ святія воды мало въ котлы муроварныя.

И потомъ вливаютъ іереи деревянное масло, также и вино виноградное; а сколько, о томъ значить въ приложенномъ при семъ реестрѣ.

А митрополитъ, благословя оное рукою, глаголетъ: Во имя Отца, и Сына, и Святаго Духа, аминь.

И подкладывается подъ котлы угліе. И варится оное по разсужденію искусство вѣдущаго. И сколько всего масла иматъ быти, мало, или много, по тому и вино церковное лити подобаеъ, чтобы его въ вареніи было на три дни, и низше бы масла вино всегда было на пять палцовъ. У того жъ варенія оставляются іереи и діаконы, и чтуть святое Евангеліе премѣняющееся въ священныхъ одеждахъ.

Во святый и Великій вторникъ.

Синодальный ризничій съ соборными ключарями, единое виноградное вино покропя святою водою, полагаютъ оное въ котлы, и варится, какъ выше показано, со чтеніемъ Евангелія жъ.

Во святую же и Великую среду.

Таковымъ же образомъ синодальный ризничій со соборными ключарями поутру всѣ приуготованныя къ муроваренію составы [а какія именно, о томъ значить въ приложенномъ при семъ реестрѣ, и поставляются оныя на особливомъ мѣстѣ], покропя святою водою, полагаютъ во оныя жъ котлы, и вливаютъ по пропорціи вино виноградное, и варится въ тотъ день до четвертаго часа по полудни. Потомъ сливаютъ оное муро изъ котловъ муроварныхъ во особливо уготованный котелъ, и промѣшиваютъ. А когда остынетъ, тогда полагаются во оное муро благовонная масла [а какія именно, о томъ

значить въ приложенномъ при сѣмъ реестрѣ] и мѣшаются жъ во ономъ котлѣ, а перемѣшавъ, разливаётся оное мѣро въ сосуды для того уготованныя и оныя сосуды поставляются на уготованный и окрытый въ палатѣ столъ. И оставляются за печатью свнодальнаго ризничнаго до Великаго четвертка.

Во святыи же и Великий четвертокъ.

Предъ литургіею, вшедъ митрополитъ въ соборную церковь, и облачась по обычаю, исходитъ со всѣмъ соборомъ, предносиму честному кресту со свѣщами, рипидами и со звономъ въ палату, гдѣ стоитъ мѣро запечатано. И пришедъ, раздаётъ наполненные сосуды протопопомъ и прочимъ іереемъ, и несуть оное мѣро отсюда въ соборную церковь, предходящимъ же тому діаконамъ со свѣщами и кадилами. А окрестъ онаго сюду и сюду рипиды діаконами жъ носятся со звономъ же.

И поютъ вси тропарь, гласъ 8:

Благословенъ еси, Христѣ Божѣ нашъ, Иже премудры ловцы явлѣй, низпославъ имъ Духа Святаго, и тѣми уловѣй вселенную, Человѣколюбче, слава Тебѣ.

А вшедше въ соборную церковь, поставляютъ оное мѣро въ сосудѣхъ на жертвенникъ, и окрестъ его на уготованныхъ мѣстѣхъ. По сѣмъ митрополитъ и прочіи вси, ставъ на своихъ мѣстѣхъ, начинаютъ часы.

Егда же творится великий выходъ со святыми дары, абіе носятъ первоіерей со алавастромъ, и прочіе іереи несуть же мѣро въ сосудѣхъ предъ Святыми Таинами, егже провождають діакони отсюду и отсюду носяще рипиды, предъидущимъ и діаконамъ съ кадилами, и иподіаконамъ со свѣщами. И егда прийдутъ предъ святыя двѣри, двѣ ўбо рипиды входятъ по обычаю, иныя же спряженны стоятъ до святыя трапѣзы отъ святыхъ дверей отсюду и отонуду. Первоіерей же, держа мѣро, ожидаеть митрополита предъ святыми двѣрми, и изшедъ митрополитъ, ёмлетъ отъ того алавастръ, и поставляетъ на святѣй трапѣзѣ одесную. И тако входятъ Святая, по обычаю.

Таже діаконъ глаголетъ: Исполнимъ молитву нашу Господеви... и прочая.

Егда же рече́ть митрополи́тъ: И да́ждь на́мъ еди́нѣми усты́... И да
бу́дутъ ми́лости Вели́каго Бо́га...

Діако́нъ у́бо стои́тъ молча́ на амво́нѣ. И быва́етъ освяще́ніе мѹра, не
затворя́я ца́рскихъ дверей, та́къ ка́къ и Святы́я Да́ры въ служе́ніи
архіере́йскомъ освяща́ются. Митрополи́тъ открыва́етъ свято́е мѹро, и
зна́менуетъ то́е три́жды, глаго́ля:

Во і́мя Отца́, и Сы́на, и Свята́го Ду́ха, ами́нь.

И па́ки низхо́дитъ, и протоди́ако́нъ глаго́летъ: Во́нмемъ.

Други́й же діако́нъ: Го́споду помо́лимся.

И вси́ во олтарѣ́ су́щии: Го́споди, поми́луй.

Митрополи́тъ же надъ святы́мъ мѹромъ моли́тву сію́ глаго́летъ:

Го́споди ми́лости и Отче свѣ́товъ, отъ Тебе́ вся́кое да́ніе бла́го и
вся́кій да́ръ соверше́нь да́ется. Да́руй на́мъ, недостойны́мъ, благода́ть
въ служе́ніе вели́каго сегó и животво́рнаго та́инства, я́ко да́ль еси́
Моисе́ю, вѣ́рному Твоему́ служѣ́, и рабу́ Твоему́ Самуи́лу, и святы́мъ
апóстоломъ, и низпосли́ Всесвята́го Твоего́ Ду́ха на мѹро́ сіе́, сотвори́
е́ помáзаніе ца́рское, помáзаніе духо́вное, жи́зни храни́лище,
освяще́ніе ду́шь и тѣлeсь, елeй ра́дованія, предтeкши́й у́бо въ Зако́нѣ,
и возсія́вший въ Но́вомъ Завѣ́тѣ, і́мже ма́заху ца́рей, іере́евъ,
архіере́евъ, и проро́ковъ, и всѣ́хъ ба́нею па́ки бытія́ возражда́емыхъ
чрезъ апóстоловъ, и су́щихъ по ни́хъ епі́скоповъ и пресві́теровъ
додне́сь. Ей, Влады́ко Бо́же Вседержи́телю, покажи́ е́ нашeствіемъ
Свята́го покланя́емаго Твоего́ Ду́ха одeжду нетлѣ́нія, печа́ть
совершеннотво́рную, и на приeмлющихъ святу́ю твою́ ба́ню,
вообража́ющую Божeственное Твое́ именованіе, и Единоро́днаго
Твоего́ Сы́на, и Свята́го Ду́ха, во éже быти́ тымъ предъ Тобо́ю
зна́емымъ, домо́внымъ, гра́жданомъ, рабо́мъ Твои́мъ и рабы́нямъ
освяща́емымъ ду́шею и тѣломъ, премѣ́няемымъ вся́кія злóбы и
вся́каго грѣ́ха, избавля́емымъ чрезъ покрóвъ одeжды пречы́стия Твоея́
сла́вы, и познава́емымъ чрезъ свято́е сіе́ зна́меніе отъ святы́хъ а́нгель
и арха́нгель, и отъ всея́ небeсныхъ сі́лы, и стра́шнымъ проти́ву всѣ́хъ
лука́выхъ и нечы́стыхъ де́моновъ, да бу́дутъ люди́ избранны́, ца́рское
свяще́ніе, язы́къ свѣ́тъ, запечатлѣ́нный пречы́стымъ Твои́мъ
та́инствомъ сі́мъ, Христа́ Твоего́ въ сердца́хъ свои́хъ нося́ще во
обита́лище Тебѣ́, Бо́гу и Отцу́, о Святы́мъ Ду́сѣ́. Я́ко Свѣ́тъ еси́, Бо́же

нашъ, и во святыхъ почиваеши, и Тебѣ славу возсылаемъ, Отцѹ и Сыну и Святому Духу, нынѣ и присно, и во вѣки вѣковъ, амѣнь.

Таже митрополитъ: Миръ всѣмъ.

Пѣвцы: И духови Твоему.

Діаконъ: Главы ваша Господеви приклоните.

Пѣвцы: Тебѣ, Господи.

Митрополитъ молится тайно, и чтетъ молитву сію:

Тебѣ, Богу всѣхъ и Царю, выю сердца благодаряще приклоняемъ, яко достойныхъ насъ служителей быти Божественнымъ симъ сотворилъ еси Тайнамъ, и милость проповѣдуемъ, юже на насъ обильно излилъ еси, и пріяти освященіе отъ Тебѣ, яко мѹро на главѣ, молимъ, зане мѹро изліянное (Пѣсн. 1, 2), имя Единородному Твоему Сыну, Христу Богу нашему, въ немже благоухаетъ весь видимый и невидимый мѣръ. Ты бо еси покланяемый и прославляемый, и Тебѣ славу и поклоненіе возсылаемъ, Отцѹ и Сыну и Святому Духу, нынѣ и присно, и во вѣки вѣковъ, амѣнь.

Таже, знаменавъ паки тое святое мѹро трижды, покрываетъ покрывомъ въ сосудѣхъ.

Потомъ діаконъ глаголетъ ектенію: Вся святія помянувшѣ...

Рипиды же стоятъ до: Да исполнятся уста наша...

А послѣ окончанія литургіи, износятъ святое мѹро протопопъ со священниками въ сѹнодальную сосудохранительную, и поставляется на уготованномъ мѣстѣ.

И, изходяще изъ собору, поютъ псаломъ 44:

Отрыгну сердце мое [слово благо, глаголю азъ дѣла моя Царѣви, языкъ мой — трость книжника скорописца. Красенъ добротою паче сыновъ человеческихъ, излился благодать во устнахъ Твоихъ, сего ради благослови Тя Богъ во вѣкъ. Препояши мечъ Твой по бедрѣ Твоей, Сильне. Красотою Твоею и добротою Твоею, и наляци, и успѣвай, и царствуй истины ради, и кротости, и правды, и наставитъ Тя дивно десница Твоя. Стрѣлы Твоя изощрены, Сильне, людіе подъ Тобою падутъ въ сердца врагъ царевыхъ. Престоль Твой, Божѣ, въ вѣкъ вѣка: жезль правости, жезль Царствія Твоего. Возлюбилъ еси

правду и возненавидѣлъ еси беззаконіе: сего ради помаза Тя, Бóже, Бóгъ Тво́й елеемъ радости пáче причáстникъ Тво́ихъ. Смирна, и стáкти, и кассія отъ ризъ Тво́ихъ, отъ тяжестей слонóвыхъ, изъ нѣхже возвеселиша Тя. Дщѣри царей въ чести Тво́ей. Предстá Царі́ца одесну́ю Тебѣ, въ ризахъ позлащѣнныхъ одѣяна, преиспещрена. Слы́ши, Дщи́, и ви́ждь, и приклоні́ у́хо Тво́е, и забуди́ люди Тво́я и до́мъ отцá Тво́его, и возжелáетъ Цáрь добрóты Тво́ей: занé Тóй ёсть Господь Тво́й, и поклоні́шася Емú. И дщи́ Ті́рова съ дáры, лицу́ Тво́ему помóлятся богáтии людстии. Вся́ слава Дщѣре Царѣвы внúтрь, рясны златы́ми одѣяна и преиспещрена. Приведúтся Царю́ дѣвы въ слѣдъ Ея́. Искреннія Ея́ приведúтся Тебѣ́, приведúтся въ веселіи и радóваніи, введúтся въ храмъ Царевъ. Вмѣсто отѣцъ Тво́ихъ бы́ша сы́нове Тво́й, поставиши я́ князи по всѣ́й землі́. Помяну́ имя Тво́е во всякомъ родѣ́ и родѣ́. Сего́ ради лю́дие исповѣ́дятся Тебѣ́ въ вѣ́къ и во вѣ́къ вѣ́ка].

А отъ снóдальнаго рѣзничнаго раздаётся óное святóе мúро по приказáніямъ Святѣ́йшаго Правѣ́тельствующаго Снóда тúне.

Ре́е́стръ подлежа́щимъ къ мурóваренію соста́вамъ:

Ма́сла деревя́ннаго, бѣ́лаго прова́нскаго — двáдцать трѣ́ пúда; вина́ виногра́днаго, бѣ́лаго — се́мь ве́дръ; стира́ксы жѣ́дкой — оди́нь пúдь; росна́го ла́дону, сіа́мскаго — трина́дцать фúнто́въ; гúмны, ла́дону чѣ́рнаго — ше́сть фúнто́въ; ла́дону проста́го, бѣ́лаго — ше́сть фúнто́въ; ро́зовыхъ цвѣ́товъ — оди́ннадцaть фúнто́въ; травы́ бази́лику — пя́ть фúнто́въ; карма́ону — ше́сть фúнто́въ; фиáлко́ваго ко́рня — оди́ннадцaть фúнто́въ; имби́рнаго ко́рня — ше́сть фúнто́въ; калга́ннаго ко́рня — пя́ть фúнто́въ; и́рного ко́рня — пя́ть фúнто́въ; масти́ки, са́мой бѣ́лой — трина́дцать фúнто́въ; сандара́ку — трѣ́ фúнта; терпенти́ну венице́йскаго — пятна́дцать фúнто́въ; бальса́му чѣ́рнаго, перувиáнскаго — де́сять фúнто́въ; ма́сла мушка́тнаго густа́го — во́семь фúнто́въ; ма́сла мушка́тнаго жѣ́дкаго — со́рокъ во́семь золотнико́въ; ма́сла кори́чневаго — со́рокъ во́семь золотнико́въ; ма́сла богоро́дской травы́ — ше́стьдеся́ть золотнико́въ; ма́сла ро́зоваго — ше́стьдеся́ть золотнико́въ; лигниро́дїйнаго ма́сла — со́рокъ во́семь золотнико́въ; ма́сла померáнцоваго, изъ цвѣ́товъ — со́рокъ во́семь золотнико́въ; ма́сла маера́ннаго — со́рокъ во́семь золотнико́въ; ма́сла

левендуловаго — девяносто золотниковъ; масла размариннаго — девяносто золотниковъ; ессенціи баргамотъ — сорокъ восемь золотниковъ; цедры лимонной [масла лимоннаго] — одинъ фунтъ десять золотниковъ.

А какимъ порядкомъ оное всё составлять, и что въ который день въ мураварныя котлы полагать, о томъ значить ниже сего.

А именно:

Первое.

Изъ вышеписаннаго деревяннаго масла отдѣля семь пудъ, а изъ вина винограднаго два ведра, и положя во особливо уготованный котель, на Крестопоклонной недѣлѣ сварить и, простудя, налить въ банки, слѣдующія составы истолча мелко:

Стираксы — одинъ пудъ; роснаго ладону, сямскаго — тринадцать фунтовъ; розовыхъ цвѣтовъ — одиннадцать фунтовъ; гумы, ладону жъ чернаго — шесть фунтовъ; да ладону простаго, бѣлаго — шесть фунтовъ; травы базилику — пять фунтовъ; кардамону — шесть фунтовъ; фиалковаго корня — одиннадцать фунтовъ; имбирнаго корня — шесть фунтовъ; калганнаго корня — пять фунтовъ; ирного корня — пять фунтовъ.

И потомъ поставя всё оное, въ тѣхже банкахъ, въ тёплое мѣсто на двѣ недѣли. А по прошествіи двѣ недѣли, оное масло изъ банокъ слить въ сулей, гущу выжавъ отъ стираксы, половину той гущи отдѣлить, прочее всё въ тѣхже банкахъ налить виномъ винограднымъ по пропорціи, и изъ нихъ, по прошествіи четырёхъ дней, съ однихъ только травъ и цвѣтовъ вино слить въ сулей, а стираксу и ладонь въ винѣ оставить, въ тѣхже банкахъ.

Второе.

Въ Великій понедѣльникъ, при начинаніи мураваренія, въ мураварныя котлы влить всё вышепоказанное оставшееся деревянное масло, шестнадцать пудъ, да винограднаго вина, ненастояннаго положить по пропорціи, и варить.

Третье.

Въ Великій вторникъ, во оная жъ котлы полагается едино

виноградное вино по пропорции жь, и варится. Къ тому въ котлы полагаётся стиракса изъ банокъ и прочія вещества, на которыхъ масло настаивалось со среды Крестопоклонной; также варится мастика и сандаракъ, напередъ мѣлко истолченныя.

Четвёртое.

Въ Великую среду, въ оныя жь котлы полагаётся масло, слитое на шестой недѣль, съ веществъ, варенныхъ на Крестопоклонной недѣль, всё безъ остатку, да ктому жь во время варения кладётся, смотря по пропорции, и вино виноградное, и варится.

А по слитии всего онаго изъ муроварныхъ котловъ, во особливо уготованный котёлъ, и по простуженіи полагаётся въ тотъ сваренный муръ вышеписанные благовонные масла, также, бальсамъ перувианскій, терпентинъ и масло мушкатное густое, распущенные въ настоянномъ стираксовомъ маслѣ всё безъ остатку.

Чинъ муроварения. — М.: Въ Синодальной Типографіи, 1894. — 12 л.